

家训八则

敦孝弟

孩提之童无不知爱其亲及其长也。无不知敬其兄。看来孝弟原天性中事。皆人所易为者。今则始以晨昏定省之仪不足为渐。而至于祇服不率。膳养弗周。大不孝于父母。始以推梨让枣之谊不足效。渐而至于有无不通。短长相竞。大不友于兄弟。其故何耶。性以物迁。好货财。私妻子之累。有以中之耳。试思钱财犹粪土也。妻子犹衣服也。父母兄弟则犹木之有本。根身之有手足也。今如戕贼本根。曰吾恃粪土为发荣之资。残废手足。曰吾藉衣服为章身之具。非至愚且悖。必不谓然。昔老莱子年七十。犹衣彩作婴儿状。以博母欢。司马温公兄伯庚。年将八十。公奉如严父。保如婴儿。食少顷。则问曰。得毋饥乎。天少冷。则拊其背。曰。得毋寒乎。此二公者。世之所谓大贤。而其孝弟之行。邈祇如赤子爱敬一般。并无别念。可会恭破得来。人苟返其自有之天。即第以二公作榜样。将见常则为承欢。为式好。变则为于之怨慕。为弓涕泣。且无须椎牛炮羔。即此鸡豚菽水。可微色养。且无须长枕大被。即此急难分肥。可式友于。从爱憎殊恩。知天下无不

是底父母即贤愚异质思世间不常得者弟兄由是孝可移于忠君弟可移于顺长上荷天床下延家庆货财妻子又惟敦孝弟者受用得着是之谓能知务

务勤俭录朱柏卢先生劝言

勤与俭治生之道也不劝则寡入不俭则妄费寡入而妄费则财匮财匮则苟取愚者为寡廉鲜耻之事黠者入行险徼幸之途生平行止于此而丧祖宗家声于此坠生理绝矣又况一家之中有妻有子不能以勤俭表率而使相越于贪惰则自绝其生理而又绝妻子之生理矣勤之为道第一要深思远计事宜早为物宜早办者必须经理若待临时仓忙失措鲜不耗费第二要晏眠早起侵晨而起夜分而卧则一日而复得半日之功若早眠晏起则一日仅得半日之功无论天必酬勤而罚惰即人事赢馡亦已悬殊第三要耐烦喫苦若不耐烦喫苦一处不周密一处便有损失耗坏事须亲自为者必亲自为之须一日为者必一日为之人皆以身习劳苦为自戕其生而不知是乃所以求生也俭之为道第一要平心忍气一朝之不忿不自度量与人角口阙力构讼经官事过之后不惟破家或且辱身第二要量力举事土木之功婚姻之事宾客酒席之费切不可好高求胜一时兴会所费不支后来补苴或行称贷偿则无力逋则

丧德第三要节衣缩食绮罗之美不过供人之欢羨而已若煖其躯体布素与倚罗何异肥甘之美不过口舌问片刻之适而已若自喉而下藜藿与甘何异人皆以薄于自奉不爱其生而不知是乃所以养生也故家子弟不勤不俭约有二病一则纨绔成习素所不谙一则自负高雅无心琐屑乃至游闲放荡博奕酣饮以有用之精神而肆行无忌以已竭之金钱而益喜浪掷此又不待苟取之为害而已自绝其生理矣孔子曰谨身节用以养父母可知孝弟之道礼义之事惟治生者能之奈何不惟勤俭之为尚也

省剩墓

历代之先有吾所逮事者有吾所未逮事者有得诸传闻征诸记载而形声犹如绘者其精爽一萃诸祠其体魄各藏诸墓追远报本之典于是乎行忼闻僇见之忱于是乎寄诚重地也近见人家住宅踵事增华务求安美独于祖先祠宇简陋因仍甚或墙壁泆涩莫与饰之栋宇倾颓莫与修之什器残缺莫与备之是何富贵其身而寒其祖若此遑问其享祀不忒也至于墓修理较祠甚逸省视较祠易疎年之墓子姓蕃则互相推诿地远之墓路费艰则屡致迁延一坏甫干办香莫至此等荒怠保无有榛荆芜

酿其为蛇兽窟者保无有风水安吉被人侵冒盗葬者保无有树林茂密丈界平阔被人开垦洗而戕害者叵测者保无有契批漏落断碣销灭被人横指为古堆并其祭扫阻之而莫可如何者子孙一日失计祖宗百世不安罪憾胡可胜言今与族约凡清明挂扫之会无论新旧岁无失大寒修擢之期无论远近无失有力之家置田修墓贫寒之户登界勒碑坟则合族擢禁之绝冢则旁支照护之盗卖侵葬则同心协力匡复之出自本支子孙者合房鸣 上按律拟辩之若夫墓祀无缺祠祭聿光是在知事死如事生者尽吾心竭吾力毋或以疏怠貽怨桐于神明也

联族众

书曰以亲九族诗曰才支百世联族者非攀援拓拾冒非族为己族之谓范文正公所云自祖宗之均是子孙固无亲疎者也其联之之有三要曰尊尊曰老老曰贤贤名分属尊行者尊也宜恭顺退逊不敢触犯有分属虽卑而齿迈众人者老也宜扶持保护事以高年之礼有德行道艺为本宗楨干者贤也宜亲炙之景仰之每事效法忘分忘年以敬之此之谓三要又有四务曰矜幼弱曰恤孤寡曰周穷急曰解忿竞幼者穉年弱者鲜势人所易欺则矜之保抱提携随处效力无使失所鰥寡孤独王政所先而

同族尤为吾所耳闻目击者则恤之贫则恤以善言富则恤以财谷皆实德也衣食窘急生计无聊命运亦乖则周之量己量彼可为则为不必望其报不必使人知吾尽吾心焉人有忿则争竞得一人劝之气渐平得一人助之气愈激当局多迷宜居间解之族人之责也此之谓四务又最要者则有四义曰义田曰义仓曰义学曰义冢以养以教歌斯哭斯使生死皆无一夫之不获如有富者族皆沐其分润而怨望之私绝如是则有有贵者族乐借以增辉而忿傲之习捐如是则有有者而尊者族不以为欺压我而以为能庇荫我如是则有贤而才者族不以为叶藐我而以为能训诲我以祖宗一人之身身之即以祖宗一人之心心之族用以睦

肃闺门

男正位乎外女正位乎内圣训也而家人彖辞独言利女贞者以一家之中最难处者妇人故君子正家必自刑于始夫名教非独为富贵仕宦家设也人平日宴私动静各自谨饬则其家嘻噍之状无自而开虽桑姑饁妇露面抛头而其清白家风自在每怪门右族其妇女逸居无教外而三姑六婆来往成群内而狡童艳婢笑歌杂处甚或听其结社讲经烧香看会种种恶俗恬不知非闲遇有凶险性成之妇不事舅姑离间

骨肉不和妯娌惯鼓唇舌不任烹调嫚艺宾客不恤饥寒苛刻奴婢为丈夫者始而纵容姑息继则任其把持家道之乖莫此为甚然亦有谓女德极化诲不悛即其夫亦亦无如之何者不知教妇在初来择妇必世德语云逆家子不娶乱家子不娶司马温公曰凡议婚姻当先察其壻与妇之性行与其家法何如毋苟慕富贵轻立盟誓今人择壻一道或亦然煞费周详独于蛰绳嗣宗似续式谷真种子反草草了局向平之愿甫酬室家之索立判是亦不思之甚矣夫嚙笑毋苟情欲不形内外宜分嫌疑必避夫纲也三从四德彰姆教也姆教不娴夫纲莫振故肃闺范为正家之本而慎婚姻即肃闺范之源

审交游

中材之性从善如登从恶如崩于善恶关头业自持不定故近朱赤近墨黑交际所关尤属人生要务养正之道子弟自志学伊始务择端严师传愿谨友朋使志向所越不至走错方向至姻党缔交之故乡邻结契之之缘薰莸系之成败因之祸福随之无论富贵贫贱小子成人均不可以不辨今按其类有三焉其或谨约勤俭正直端方然诺不苟举止安详是为贤良我能与之交游行正道言正经如聆箴铭如履康庄虽有

矜骄之气刻薄之肠熏陶模范渐且潜移默化而相率为常所谓入芝兰室久而不闻其香若夫好利饰非语言譎诡乐祸贪淫动止阴险是为比匪我而与之交游昧邪正迷藏否征逐酒肉煽诱赌虽有羞恶之良彝好之美浸淫濡染久将习惯自然而莫知底止所谓习俗人贤者亦不能免至若雄心破斗逸气干霄不畏强御广结英豪是爲任侠之曹我或与之交游慕其豪爽兢事浮嚣无干济之畧而自夸气节之高将见触忌讳而动干禁例务挥霍而取戾招摇非有关于信义徒悔貽于市朝所谓画虎类狗正如马伏波所嘲夫人未能独立无与也远君子近小人黜谨愿效任侠害可立睹也世尤有犯法干纪之徒设会招盟供齐主教子弟一人其穀卒至以其身流于乱贼祸及宗族膺教育之责者宜何如思患预防焉

息争松

昔人谓太百姓完赋税无争讼便是天堂世界今人反求祸辞福视公庭为儿戏倚刀笔为生涯遇事风波匿名揭帖随方播弄及至机关破露法网随之败行辱身濒死不悔其人洵不足与议矣乃若忠厚传家之子平昔画地为狱誓不入刻木为吏誓不对无奈祸福无门或因里党欺凌或遭骨肉乖变偶忿冤抑虽明知浪费腰缠抛荒本

务而千讦上诉一人豪吏猾胥之手百计莫脱似亦情之所势之所无可如何者然则何道以弭之曰慎曰在讼卦之象曰君子以作事谋始始之为义毋启贪心以为召怨之阶毋纵幸心以开延盗之隙无逞机心以基报复相寻之渐试看光明磊落之士揣情酌理人不敢欺推心置腹人不忍背非不虞欺且背也准于理之间无罅隙渗漏可供人指摘慎之至也至若横逆之来惟三自反语云两人相非不破家亡身不止只回头认自己一句错便有无边受用两人自是不反目稽唇不止只温语称他人一句好便有无限权忻今人好讼只是不能忍论其理岂不谓彼曲我直至于讼则仍是彼蚌我鹬纵令官府廉明是非立判而今日一是非明日又一争讼何自苦也易曰君子愆忿窒欲澄讼源也然或有万不得已若事关祖宗父母兄弟妻子大节者奈何日据实申雪及早回头无轻信讼师棍党教唆架捏拖累免蹈终凶兼全厚道

戒赌博

昔晋陶荆川谓撝蒲者乃牧猪奴戏耳今则有马吊骰子混江骨牌摇筒押宝之属人平时一介不与至此则拍案狂呼一掷千金及输钱莫赏父母妻孥遭其詈骂至于家资荡尽何愚也更有呼朋引类玩花鼓戏为长夜之赌命妻若女递茶行酒抽头子

线有不可对人言者耻孰甚焉稍能自爱者须知赌博乃破家之地娼盗之藪也人入其中左右前后皆噬其膏而吸其髓者无论技俩不能胜即偶胜不过将取姑与势必一败涂地或畏父母初则瞒取家财与妻子服饰继因防闲甚密穿窬之心起焉又或卜昼卜夜无内无外中葺之丑其能免哉余谓赌博之兴必有其渐大抵豪纵之士娱宾款客以手谈为潇洒任子弟隅坐持筹恬不为怪及至效尤愈越愈下虽鞭撻提醒终莫能反悟又有子弟在家不令常守职业听其东游西荡一被群小煽惑堕入局中不至荡产破家不止是岂独子弟之本心不肖哉亦父兄先未有以曲成之耳愿我族众绝赌源焚赌具远赌局勿谈赌书以熄赌风